

جریدہ علیہ

مسیحت جلیلہ اسلامیکہ جریدہ رسمیه سیدر

۱۵ رمضان سنہ ۱۳۳۸

عدد ۶۱

اون بش کونده بر نشر اولور

بشقی سنہ

فتاواى شریفه

نکاح

هندك زوجي زيددن اولان اوغلي عمرو هندك زوج آخرى بركك زوجة اخراسى
زينبدن اولان قیزی خدیجه بی تزوج ایتك جائز اولورمی الجواب اولور .

فسخ نکاح

هند فقيره نك زوجي زيد غائب اولوب نفقه نك تحصيلي متعذر اولدقده پادشاه اسلام
مدالله تعالى طله على مفارق الانام حضر تلى بومسئله ده مصلحت ناسه ارفق اولسي
ملاحظه بنه بناء مذهب حنبلى اوزرد قاضينك فسخ نکاح ایتسيله حکمه امر بیورمیش
اولمیرینه مبنی هندك طایيله قاضی فسخ نکاح ایتمکه قادر اولورمی الجواب اولور .

زیارت والدین

زيدك زوجة سی هند جمعه ده بر کره والدینك منزلنه واروب مزبورلری کورمك
ایستد کده زيد هندى بغير وجه منعه قادر اولورمی الجواب اولماي .

طلاق

زيد مرض موشده زوجة مدخول بهاسی هندى رضا سنسز اوج طلاق ایله تطليق

ایدوب عدتی متقضیه اولم دین زید فوت اولسه هند زیده وارثه اولورمی الجواب اولور.

حضانه

زید صغیرک حق حضانه سی باباسنک اناسی هندک اولیوب اناسنک اناسی زینک اولورمی الجواب اولور.

رضاع

زید رضاعاً قرتدائی ممرک نسباً قیز قرتدائی هندی زوج مراد ایتدکده هند زیدک والده سی انمش اولمایحق هندی زوج جائز اولورمی الجواب اولور.

نفقه

زوجی اولیان هند فقیرمک اوغلی زید ایله لابوین ار قرتدائی اوغلی عمرودن غیره کیمسنه سی اولیوب لیکن زید معسر اولوب عمرو موسر اولسه هندک نفقه سی زید اوزرینه لازمه اولیوب یالکیز عمرو اوزرینه لازمه اولورمی الجواب اولور.

هبه

زید صحتده ملک منزلی اولنجیه قدر کندوی کوروب کوزتمک اوزره زوجیه سی هند هبه وتسلیم ایدوب هند دخی زیدی کوروب کوزدره ایکن زید فوت اولسه ورنه سی هبه یی طوتماغه قادر اولورلرمی الجواب اولمازلر.

مرور زمان

زید هندک سند خاقانی ایله تصرفده اولان تارلای یکرمی سنه تغلباً ضبط ایلسه حالا هند اول تارلای زیددن طلب ایتدکده زید معترف ایکن مجرد وجه محرر اوزره یکرمی سنه ضبط ایتمله نم ایچون حق تصرف ثابت اولمش اولور دیو ویرمامکه قادر اولورمی الجواب اولماز.

قیم نصابی

زید مفقود اولاد قده حاکم زیدک حالی متین اولنجیه قدر مالی حفظ ایچون زیدک
قرنداشی عمروی قیم نصب ایدوب زیدک مالی عمروه حفظ ایتدیرمکه قادر اولورمی
الجواب اولور .

* *

وصیت

زید شوقدر آقچه سنی اوغلی عمروه وصیت ایتدکدنصکره زید فوت اولوب عمروی
وسائر ورنه سنی ترک ایلسه سائر ورته وصیتی مجیزلر اولمایحق عمرو وصیت مرقومه یه
بناءً ترکدن اولقدردر آقچه نی المغه قادر اولورمی الجواب . اولماز .

کتابه الفقیر

دری زاده السید عبدالله

عفی عنهما

فتواخانه عالییه وقوعبولان مراجعات رسمیه اوزرینه اعطا اولنان

اجوبه شرعیه

استرداد عقار

قدری امضاسیله ۱۱ ربیع الآخر ۳۳۸ تاریخده فتواخانه یه بالورود، زید بالاجارتین
متصرف اولدیفی عقاری امر امیرالمؤمنین ایله عمروه فراغ وتسلیم ایدوب آرهدن اون
بش سنه مرور ایتدکسزین زید عقار مذکور عمرودن استردادده قادر اولوب اولمیه جغه
داثر واقع اولان استفتایه جوابدر :

§ زید مجرد فراغ واقعک امر امیر مستند وباطل اولدیفندن بحثله عقار مذکور
عمرودن استردادده قادر اولماز . ۲۶ ربیع الآخر ۳۳۸

* *

وکالت

محمد سعید امضاسیله ۶ کانون ثانی ۳۳۶ تاریخده فتواخانه یه بالورود، زید آخر بلده ده